



**COMUNU DE CERÀXIUS**  
(Provìntzia de Casteddu)

**OGETU: Ordinàntzia de serrada de sa Scola Materna Bia Bellini in sa dii 7 de abrili 2021**

**Ordinàntzia n. 10 de su 30/03/2021**

**SU SÌNDIGU**

**Abetau** chi in sa scola materna de Bia Bellini in sa dii de su 7 de abrili 2021 est apariciada sa cumpridura de is traballus de recualificadura energètica e retrofitting, cumintzendi de su 1<sup>u</sup> de Abrili 2021 e finsas a sa dii de su 6 de Abrili 2021, cunforma a sa suspendidura de is atividades didàticas po is festas de Pasca Manna, cumenti ant fatu sciri in sa dii de oi de su Responsàbili de su procedimentu,

**Cunsiderau** chi a s'acabu de is traballus, at a tocai sighiri a innantis cun sa atividadì de sanificatzioni de is aposentus, po arresonis craras de genia igiènicu-sanitària, po assegurai sa torrada in seguresa de is pipius chi afitianat a custa scola e de su personali chi traballat ingunis;

**Cunsiderau** intzaras, po custa tarea, de depi cumandai sa serrada de sa Scola po sa dii de su 7 de Abrili 2021;

**Biu** su Decretu Legistlativu 267 de su 18 de austu 2000 e in manera particolari s'art. 50 chi cuncordat is atributzionis de su Sìndigu po cussu chi pertocat a sa spratzinadura de provedimentus contingìbilis e apretaus;

**CUMANDAT**

- 1) *sa serrada de sa Scola Materna de Bia Bellini, po is arresonis numenadas in sa premissa, in sa dii de Mèrcuris 7 de Abrili 2021, cun sa torrada a oberri sighidora e torrada de is atividades in sa gerronada de Giòbia 8 de Abrili 2021;*
- 2) *sa sanificatzioni de su fàbricu scolàsticu numenau in cussa dii e totu,*

**DISPONIT**

- chi custu provedimentu bèngiat deretu comunicau a su Dirigenti scolàsticu de s'Istitutu in ogetu e a is Diretoris de Àrea 01, 04, 05, 06 e 07 po s'arricidura de is cumpriduras de cumpetèntzia insoru;
- chi castiendi cussu chi est prevèdiu de s'art. 8, comma 3, de sa Lei n. 241 de su 7 de austu 1990 e ss.mm.ii., si depat donai una spratzinadura manna de custa ordinàntzia atruessu de comunicaus de imprenta, publicatzioni in su giassu internet istitutzionali e atras maneras de

publicidadì cunsideradas profetasas.

### **DONAT ÀUTU**

chi est stètia comunicada deretu a su Prefetu de Casteddu e a su ATS Sardìnnia;  
chi est deretu cumpridora e est fata pùblica atruessu de sa apicadura in s'Albu Pretòriu Comunali,  
atruessu de su giassu Internet comunali e is mesus de comunicatzioni e de imprenta;

### **INFORMAT**

chi cuntra de custu provedimentu est amètiu, de atra manera, aintru de 30 diis su recursu anca su  
Prefetu de Casteddu, aintru de 60 diis recursu a su Tribunali Aministrativu Regionali de Sardìnnia,  
aintru de 120 diis, recursu straordinàriu a su Presidenti de sa Repùblica.  
Is trèminis amostaus innoi apitzus cumintzant de sa dii de publicatzioni in s'Albu Pretòriu de su  
Comunu de Ceràxius.

Ceràxius, 30 de Martzu 2021

Su Sìndigu  
Pier Luigi Concu